

# Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2023-yil 18-mart, shanba

№ 12 (9228)-son

e-mail: infoqishloqhayoti@yandex.ru @Qishloqhayoti\_gazetasi

## ТУРКИЙ ДАВЛАТЛАР ТАШКИЛОТИНИНГ НАВБАТДАН ТАШҚАРИ САММИТИДА МУҲИМ ТАШАББУСЛАР ИЛГАРИ СУРИЛДИ

Ўзбекистон Республикаси Президенти Шавкат Мирзиёев Туркия Республикаси Президенти Режеп Таййип Эрдоғанинг таклифига биноан Туркий давлатлар ташкилотининг навбатдан ташқари саммитида иштирок этиш учун 15-16 март кунлари амалий ташриф билан Анқара шаҳрида бўлди.

16 март куни Анқара шаҳрида Туркий давлатлар ташкилотининг навбатдан ташқари саммити ўтказилди. Ўзбекистон Республикаси Президенти Шавкат Мирзиёев раислигида ўтган тадбирда Туркия Президенти Режеп Таййип Эрдоган, Туркман халқининг миллий етакчиси, Туркманистон Халқ Маслаҳати Раиси Гурбангули Бердимухамедов, Озарбайжон Президенти Илҳом Алиев, Қозоғистон Президенти Қосим-Жомарт Тоқоев, Қирғизистон Президенти Садир Жапаров, Венгрия Бош вазيري Виктор Орбан, ТДТ Бош котиби Кубаничбек Омуралиев ҳамда Ташкилот институтлари ва тузилмаларининг бошқа вакиллари қатнашди.

Кун тартибига мувофиқ, фавқулодда вазиятларни бошқариш ва гуманитар ёрдам кўрсатиш соҳасида кўп томонлама ҳамкорликни ривожлантириш истиқболлари ҳамда табиий офатларнинг олдини олиш ва оқибатларини бартараф этиш борасидаги саъй-ҳаракатларни мувофиқлаштириш масалалари муҳокама қилинди. Саммит аввалида иштирокчилар 6 февраль кун Туркиянинг жануби-ғарбий ҳудудларида рўй берган вайронкор зилзилалар қурбонлари хотирасига ҳурмат бажо келтирилди.

Давлатимиз раҳбари ўз нуқтаи назарида таъкидлаганидек, бугунги учрашув ҳамда фотосуратлари Ташкилот мажлисида Туркияга кўрсатган биродарлик ёрдами туркий халқлар энг мушкул давларида бир-бирига мустақкам таянч ва суянч бўлаётгани, уларнинг дўстлиги ва бирдамлиги қудратли куч эканини яққол амалий тасдиқлади. – Дўстларимиз диёрида юз берган ва мисли кўрилмаган ҳалокатли зилзила барчамизнинг қалбимизга чексиз қайғу ва изтироб

солди. Бу йўқотишни ҳис қилиш билан тўлдириб бўлмайди. Зеро, бу муҳим ва оғир натижада бизнинг жондан азиз ота-оналаримиз, ака-укаларимиз, опа-сингилларимиз ва фарзандларимиз қурбон бўлди ва жабрланди, – деди Шавкат Мирзиёев. – Биз муҳим ва оғир натижада қурбон бўлган ўн минглаб бегуноҳ кишилар хотирасини ҳеч қачон унутмаймиз.

Ўзбекистон етакчиси ҳаётдан бевақт кўз юмган барча инсонларнинг порлоқ хотирасига алоҳида ҳурмат рамзи сифатида 6 февраль санасини Туркий давлатлар ташкилоти доирасида Қурбонларни хотирлаш ва бирдамлик кунини, деб эълон қилишни таклиф этди.

Президент Режеп Таййип Эрдоган бошчилигида табиий офат оқибатларини бартараф этиш бўйича олиб борилаётган чора-тадбирлар ва қабул қилинган дастурларни алоҳида эътироф этиб, давлатимиз раҳбари зудлик билан амалга оширилган аниқ ва самарали ҳаракатлар туфайли кўплаб одамларнинг ҳаёти ва соғлиги сақлаб қолингани, катта миқдордаги маблағлар жамланиб, кенг кўламда қайта тиклаш ишлари бошланганини алоҳида қайд этди.

– Ҳозирги синови даврда қардош турк халқи Туркия етакчиси атрофида жипслашиб, ўзининг беқияс жасорати ва мардлиги, метин иродаси ва юксак сафарбарлик руҳини намоян қилди, – деди Ўзбекистон Президенти.

Шу муносабат билан Ўзбекистон вайрон бўлган шаҳар ва қишлоқларни, ижтимоий ва саноат объектларини тиклаш ва янгиларини барпо этиш ишларига ёрдам бериш ва биргаликдаги саъй-ҳаракатларни йўналтиришга тайёрлиги таъкидланди.

(Давоми 2-саҳифада)



Хуқуқшунос олим сифатида шуни алоҳида таъкидлашим лозимки, Конституция лойиҳаси 2022 йил 25 июнь умумхалқ муҳокамасига қўйилганга қадар конституциявий комиссияга 62 мингдан ортиқ, 25 июнь-1 август оралиғида 150 мингдан ортиқ таклифлар тушган, қолаверса, кейинчалик ҳам халқимиз муружаат қилиш хуқуқидан фойдаланган ҳолда 10 мингдан ортиқ таклифлари юборганлар.

Қайд этиш керакки, бир неча марта умумхалқ муҳокамаси мuddатлари узайтирилди, яъни аҳолимизга таклиф беришга янада кенгроқ имконият яратиш мақсадида ташкил этилди. Қонунчи-

лик палатаси масъул кўмита раисининг таъкидлаганидек, конституция лойиҳаси муҳокамасига доир 20 мингга яқин тадбирлар бўлиб ўтгани, яқунда фуқароларимиз томонидан 220 мингдан ортиқ

таклифлар келиб тушганлиги мазкур конституциянинг "Халқ конституцияси" бўлаётганлигининг яққол исботи, десам янгилишмаган бўламан. Кўплаб хорижий конституцияшунос экспертлар ташриф буюриб, ўзларининг таклифлари билан ўртоқлашди, шу билан бир қаторда депутат ва сенаторларимиз, малакали мутахассис ва олимларимиз ҳам хорижий давлатларга ҳам ташриф буюриб тажриба алмашиб келди. Алоҳида айтиш керакки, Қонунчилик палатаси масъул кўмитала-

рида 40 га яқин муҳокама мажлислари бўлиб ўтган. Бу жараёнлардан ҳам кўриб туришимизки, конституция лойиҳаси ҳар томонлама мукамал, бевосита халқнинг иштироки асосида муҳокамадан ўтган дейишимизга тўла асосларимиз бор. Конституциявий судда бўлиб ўтган мажлисида, Олий Мажлис Қонунчилик палатаси томонидан "Ўзбекистон Республикаси Конституцияси тўғрисида"ги Конституциявий қонун лойиҳаси бўйича чиқарган Қарори ҳар томонлама конституция ва қонун талаблари асосида, Конституциявий суд тўғрисида қонунда белгиланган процессуал иш юритув тартибига чиқарилганлигининг гувоҳи бўлди. Бунини хуқуқшунос мутахассис сифатида қуйидагича асослашимиз мумкин:

биринчидан, "Ўзбекистон Республикаси Конституцияси тўғрисида"ги Ўзбекистон Республикаси Конституциявий Қонуни лойиҳаси бўйича "Ўзбекистон Республикаси референдумини ўтказиш ҳақида"ги қарори Конституциявий судга 10 март куни юборилган;

иккинчидан, алоҳида таъкидлаш лозимки, Қонунчилик палатаси Конституция лойиҳасини Конституциявий судга юбормасдан ҳам ўз Қарорини эълон қилиши мумкин эди. Аммо, бу ҳар томонлама халқ конституцияси бўлаётганлигини инобатга олган ҳолда, эътирозларга ўрин қолдирмаган ҳолда, Олий Мажлис Қонунчилик палатаси Конституциявий суд тўғрисидаги қонуннинг 27-моддасига мувофиқ, Олий Мажлис Қонунчилик палатаси муружаат қилиш хуқуқидан фойдаланган ҳолда юборилган;

(Давоми 2-саҳифада)



## СУРХОНДАРЁДА БАҲОРГИ ЧИГИТ ЭКИШ АВЖИДА

Сурхондарё вилояти пахтакорлари жорий йил ҳосили учун 72 минг 270 гектар майдонда деҳқончилик қилади.

Сув тақчил бўлиши қутилаётган бу йилги шароитда баҳор об-ҳавосининг мўътадил келаётганидан самарали фойдаланиб, ерга барака уруғи экишни тез кунларда сифатли яқунлашга алоҳида эътибор қаратмоқда. Шу мақсадда 230 та отряд ташкил этилиб, барча ишлар уюшқоқлик билан амалга ошириляптир.

Вилоятнинг Ангор туманида "Zamin Angor cluster" пахтачилик-тўқимачилик кластери ва 33 та фермер хўжалиги далаларида пахта парваришланади. Бу йил улар 4 минг 734 гектар майдонда деҳқончилик қилиб, "Юксалиш" ҳамда "Термиз-202" навли пахта

чигити қадамоқда. Бу ишни тез, сифатли яқунлаш учун чигит экиш қизғин олиб борилмоқда.

Тумандаги "Саидносорхон" фермер хўжалиги 49,4 гектар майдонда ғалла ва пахта етиштирмоқда. Тажрибали фермер баҳорнинг илк кунларидан куз фаслида чуқур шудгорланган майдонларни текисланди. Ер оби-тобига келгач, чигит қадашни бошлади.

– Бу йил 21,8 гектар майдонда "Юксалиш" навли пахта уруғини селиб, ундан мўл ҳосил олишни режалаштирганмиз, – дейди фермер хўжалиги раҳбари, Ўзбекистон Қаҳрамони Исоҳон Баҳрамов. –

Ҳозир барака уруғи сепиш учун айна пайт. Ерда етарли нам бор. Кунлар исиб кетса, намгарчилик қочиб, экилган чигит қатқалоқда яхши униб чиқмайди. Баҳорнинг бошланиши илиқ келаётганидан унумли фойдаланиб, чигит экишни Наврўз байрами арафасида яқунламоқчимиз.

Вилоятнинг Шеробод, Қизирик, Бандихон, Музабот, Жарқўрган каби туманларида ҳам баҳорги чигит экиш мавжуд агротехника тадбирлар асосида тез, сифатли амалга оширилмоқда.

**Холмўмин МАМАТРАЙИМОВ,**  
ЎЗА МУХБИРИ.

## ➤ Президент ташаббуслари – амалда

### “ТУРКИЙ АДАБИЁТ ДУРДОНАЛАРИ” БЕБАҲО ХАЗИНАМИЗДИР

Хабар берилганидек, 16 март куни Ўзбекистон Республикаси Президенти Шавкат Мирзиёев Анқара шаҳрида Туркий давлатлар ташкилотининг фавқулодда саммитида иштирок этди.

Давлатимиз раҳбарининг Туркияга ташрифи арафасида ЎЗА мухбирига Саид Аҳмад асарларини турк тилига таржима қилиб, Анқарада нашр этирилган Тошкент давлат шарқшунослик университети доценти, филология фанлари доктори Хайрулла ҲАМИДОВ қуйидагиларни гапириб берди:

– Давлатимиз раҳбари 2019 йил 15 октябрь кун Озарбайжоннинг Боку шаҳрида ўтказилган Туркий давлатлар ҳамкорлик кенгашининг навбатдаги саммитида сўзлаган нутқида ташкилотга аъзо давлатлар адабиётининг энг сара намуналаридан ташкил топган "Туркий адабиёт дурдоналари" номли юз жилдлик тўпламини ҳар бир мамлакатнинг она тилида нашр этиш ташаббусини илғари сурган эди. Мазкур ташаббус асосида илк бор Ўзбекистонда юз жилдлик "Туркий адабиёт дурдоналари" тайёрланиб, лотин ёзувида асосланган ўзбек алифбосида она тилимизда нашрга тайёрланди.

Жамланмага умумтуркий адабиётнинг энг сара намуналари, ўзбек, қорақалпоқ, турк, озарбайжон, қозоқ, қирғиз, туркман ва венгер адабиётининг 11-21 асрларга мансуб 629 нафар атоқли шоир, адиб ва мутафаккирларининг асарлари

киритилган. 2022 йил 10-11 ноябрь кунлари Самарқандда ўтказилган Туркий давлатлар ташкилотининг 1-саммити арафасида ана шу юз жилдлик китоблар туркумининг нишона сонини нашрудан чиқди.

Маъмурий "Умумтуркий адабиёт намуналари" деб номланган илк 5 жилдлик қадим туркий тилимизни илк бор илмий асосда тадқиқ этган буюқ аллома Маҳмуд Қошғарий, Юсуф Хос Ҳожиб, Аҳмад Югнакий, Аҳмад Яссавий, Сулаймон Боқирғоний ва Носриддин Рабғузий асарлари ташкил этган бўлса, "Ўзбек адабиёти намуналари" деб номланган 6-33 жилдларини Алишер Навоийдан бошлаб то бугунги кунга қадар қалам тебратиб келган ўзбек адабиёти намоёндаларининг дурдона асарлари ташкил этади.

Қолган жилдларни эса қорақалпоқ, турк, озарбайжон, қозоқ, қирғиз ва туркман тилларидан она тилимизга ўгириб, турли йилларда нашр этилган ва энди илк бор чоп этилган дурдона асарлар ташкил этади. Шунингдек, маъмурийнинг 1 жилди венгер адабиёти вакиллари турли йилларда ўзбек тилига таржима қилинган асарларидан иборат.

(Давоми 2-саҳифада)

## СУВ РЕСУРСЛАРИ, СУВ ТАЪМИНОТИ ВА САНИТАРИЯ МАСАЛАЛАРИ МУҲОКАМА ҚИЛИНДИ

Шу йилнинг 16 март куни Сув хўжалиги вазирлигида сув ресурслари, сув таъминоти ва санитария тармоқлараро ишчи гуруҳининг биринчи йиғилиши бўлиб ўтди. Унда Сув хўжалиги вазирлиги, "Ўзсувтўқимот" АЖ, тармоқлараро ишчи гуруҳи аъзолари, манфаатдор вазирлик ва идоралар, Швейцария элчихонаси, Жаҳон банки, Оснэ тараққиёт банкининг Ўзбекистондаги ваколатхонаси ва бошқа донор ташкилотлар вакиллари иштирок этди.

Йиғилишда сув ресурслари, сув таъминоти ва санитария тармоқлараро ишчи гуруҳининг жорий йилдаги иш режаси ҳамда самардорликнинг асосий кўрсаткичлари муҳокама қилинди. 2024-2026 йилларда Ўзбекистон Республикасининг сув ресурсларини бошқариш ва ирригация секторини ривожлантириш стратегияси лойиҳасини ишлаб чиқиш ҳақида сўз юритилди.

2022-2026 йилларга мўлжаллан-

ган Янги Ўзбекистоннинг Тараққиёт стратегияси мақсадлари билан боғлиқ ҳолда амалга ошириляётган ишчи гуруҳининг қўллаб-қувватлашининг асосий воситаларидан бири – халқаро донорлар ва ривожланиш бўйича шериклар билан ҳамкорликни ишлаб чиқиш ва амалга оширишда мувофиқлаштирилган ҳамкорликни ташкил этишга қаратилган "Мамлакат платформаси" механизмидир.

(Давоми 2-саҳифада)





Наврўзни етаклаб келади баҳор...



**Муҳтарам юртдошлар!**  
**Сиз, азизларни юртимизга яшариш ва янгилашиш руҳини олиб келган баҳорий дамларнинг муаззам шодиёнаси –**  
**НАВРЎЗ БАЙРАМИ**  
**билан қизғин табриклаймиз.**

**Халқимизни нон ва нон маҳсулотлари билан барқарор таъминлаш йўлида фидойилик кўрсатаётган юртдошларимиз, хусусан, донни қайта ишлаш тизими ходимларига куч-қувват, аъло кайфият доимо ҳамроҳ бўлсин!**

**Барчамизга ғурур ва ифтихор бағишлаб, эртанги кунга бўлган ишончимизни мустаҳкамлаётган муваффақиятли ишларимиз янада кўпаяверсин! Мафтункор баҳор кайфияти дилларимизни асло тарк этмасин!**

**“Ғалла-Алтег”**  
 акциядорлик жамияти жамоаси



**ОҚАНГАРОН**  
**ДАВЛАТ ЎРМОН**  
**ХЎЖАЛИГИ МЕҲНАТ**  
**ЖАМОАСИ**

**азиз ва муҳтарам юртдошларимизни қутлуғ айёми –**  
**Наврўзи одам**  
**билан чин гулдан муборақбод этади.**  
**Юртимизни янада обод этиш йўлида ўзларининг бор куч-айратлари, билим ва тажрибаларини бахшида этаётган барча ватандошларимизга сўхат-саломатлик, ишларига улкан муваффақиятлар тилайди.**

**ЖИЗЗАҲДА “ТАДБИРКОРЛАР МАКТАБИ” ОЧИЛДИ**

Ўзсаноатқурилишбанк томонидан “Ўзсаноатқурилишматериаллари” уюшмаси билан ҳамкорликда Жиззах политехника институти қошида “Тадбиркорлар мактаби” ўқув марказининг Жиззах филиали ташкил этилди.




Президентимизнинг жорий йил 24 февраль кунги Жиззах вилоятига ташрифи давомида ҳудудда “Тадбиркорлар мактаби” ўқув маркази филиалини ташкил этиш буйича топшириқ берилган эди. Шу мақсадда “Тадбиркорлар мактаби”нинг Жиззах филиали фаолияти йўлга қўйилди. Марказда қурилиш материаллари ишлаб чиқариш соҳасида ўз бизнесини бошлаш ниятидаги тадбиркорлар, қурилиш материаллари ишлаб чиқарувчи корхона ва ташкилотлар ходимлари, шунингдек, кенг жамоатчилик вакиллари ўз малака ва кўникмаларини ошириш имконига эга бўлади. Ўқув курслари Жиззах политехника институти ҳамда илмий тадқиқот институтилари профессор-ўқитувчилари томонидан базальт асосли иссиқлик сақловчи материаллар, базальт сеткаси ва бошқа шу каби энергияте- жамкор материаллар ишлаб чиқариш мавзуларида олиб борилади. Машғулотлар давомида тингловчилар учун Фориш туманидаги “Basalt” кластери таркибидagi ишлаб чиқариш корхоналарида сайёр ўқувлар ҳам олиб борилади. Битирувчиларга қурилиш материаллари ишлаб чиқаришни бошлашларида консултив ёрдам кўрсатилади. Таълим олиш ва лойиҳаларни қўллаб-қувватлаш мутлақо bepул. **Ўзсаноатқурилишбанк ахборот хизмати**

**Дилларда сурур, завқу шавқ жўш урган баҳорнинг шундай қутлуғ дамларида ҳамюртларимизни тобора яқинлашиб келаётган**  
**НАВРЎЗ АЙЁМИ**  
**билан табриклаётганимиздан қувончимиз чексиз. Шу фурсатдан фойдаланиб, барчангизга бахт-саодат, оилаларингизга тинчлик-тотувлик, дастурхонларингизга қут-барака тилаймиз. Янги-янги марралар сари руҳлантираётган айни шу илҳомбахш лаҳзалардаги хуш кайфият доимо ҳамроҳингиз бўлсин!**

**“КЕГАЙЛИМАХСУССУВПУДРАТ”**  
 МАСЪУЛИЯТИ ЧЕКЛАНГАН ЖАМИЯТИ ЖАМОАСИ



**ХОРАЗМ ВИЛОЯТИ**

**ЯНГИ СИҲАТГОҲ ҚУРИЛИШИГА СТАРТ БЕРИЛДИ**

Хонқа туманида жаҳон андозаларига тўлиқ жавоб берадиган 200 ўринга мўлжалланган янги сиҳатгоҳ биноси қурилишига старт берилди.



Ушбу саломатлик маркази Ўзбекистон касаба уюшмалари федерацияси томонидан лойиҳалаштирилган бўлиб, тумanning Қирқёп қишлоғи ҳудудида қурилмоқда. Бунинг учун уч гектар ер майдони ажратилди.

Қирқёп қишлоғи Амударё бўйида жойлашганлиги учун ҳам об-ҳавоси мўътадил, сиҳатгоҳбоп жойлар ҳисобланади. Шунинг учун ҳам лойиҳада бунга алоҳида эътибор қаратилди.

– Бу санаторийнинг башқа сиҳатгоҳлардан фарқи шундаки, ер қаъридан, 780 метр чуқурликдан минералларга бой шифобахш сув чиқади, – дейди Хонқа санаторийси МЧЖ директори Шухрат Собиров. – Бу сув асосан юрак-қон томир, асаб тизими, гинекологик ҳамда таянч аъзолари касалликларини даволашда яхши самара беради.

Воҳа аҳолисида кўпроқ бел соҳасида грижа касалликлари учрайди. Шу сабабли ҳам ушбу санаторийда бу касалликни тўлақонли даволаш мақсадида умуртқа поғонасини сувда тортиш асбоб-ускуналарини олиб келиш ҳам режага киритилган. Шунингдек, сиҳатгоҳда ёзги ва қишки сузиш ҳавзаси даволанувчилар хизматида бўлади.

Ушбу соғломлаштириш маркази йилига 4,5 минг нафар кишининг соғлигини тиклашга хизмат қилади. Тўлиқ ишга тушгач, 113 киши иш билан таъминланади.

**Болтабой МАТҚУРБОНОВ,**  
 “Qishloq hayoti” муҳбири.



## "Navro'zing – yangi kun, yangi davroning muborak, jonajon O'zbekistonim!"

"O'zagrosug'urta" aksiyadorlik jamiyatining mehnat jamoasi yasharish, yangilanish va yuksalish bayrami – Navro'zi olam bilan chin dildan muborakbod etadi.

Azmi qat'iy, bag'rikeng, mehmondo'st xalqimizni ko'ngillarga olam-olam zavqu shavq ulashib, kirib kelgan bahor ayyomi – Navro'z bilan qizg'in qutlaydi.

Jonajon yurtimizning yanada gullab yashnashi, ertangi kuni-mizning bundan-da obodligi yo'lidagi ezgu sa'y-harakatlarida muvaffaqiyatlar tilaymiz.

Navro'z ayyomingiz qutlug' bo'lsin, azizlar!



## Улуғнинг улуғ айёми – Наврўз муборак бўлсин!

Қайноқ ҳаёт нафасини олиб келган баҳорнинг беназир байрами Наврўз оппоқ орзулар, эзгуликлар, пок ниятлар айёмидир. Ота-боболаримиз азалдан уни катта хурсандчилик, шукроналик билан қарши олишганки, бунинг замирида катта ҳикмат мужжасамдир. Негаки, Наврўз дилларни мунаввар этган. Бу кунда одамлар гина-кудуратни унутиб, бир-бирига меҳр улашган. Яхши ниятлар қилишган. Қутлуғ кунда қилинган тилаклар, орзулар ижобат бўлган. Она табиат билан ҳар қачонгидан-да кўпроқ яқинлашиб, уйғунлашиб кетган. Гўзал айёмнинг улуғвор жозибаси эса айни шу уйғунликда ўз ифодасини топган. Ана шундай улуғворлик касб этган лаҳзаларда барча юртдошларимизни яқинлашиб келаётган байрам билан чин қалбдан табриқлаймиз ва мамлакатимиз тараққиёти йўлидаги эзгу ишларида омадлар тилаймиз.

## "НАВОЙДОНМАҲСУЛОТЛАРИ" АЖ ЖАМОАСИ



## ҚУЙИ СИРДАРЁ ИРРИГАЦИЯ ТИЗИМЛАРИ ҲАВЗА БОШҚАРМАСИ ЖАМОАСИ

юртдошларимизни, жумладан, республикаимиз сув хўжалиги тизимида меҳнат қилаётган барча ҳамкасбларини

### НАВРЎЗ АЙЁМИ

билан қизгин табриқлайди ва барчага шарқона янги йил янги-янги ютуқлар, қувончу шодликлар олиб келишини тилайди.

Мана шундай фараҳбахш лаҳзаларда, Наврўз сайилларида албатта, ҳар бир юртдошимиз дилига эзгу умидларни тугади, катта режаю мақсадларни ўз олдига қўяди, орзулари рўёбини Яратгандан сўрайди. Илоҳим, ана шундай қутлуғ кунларда қилинган барча эзгу тилаклар ижобат бўлсин!



## Тошкент давлат аграр университети жамоаси

Барча юртдошларимизни, қишлоқ хўжалиги соҳаси ходимларини, олимлар, миришқор соҳақоналар ҳамда муҳтарам устозларни ва барча ҳамкасбларини

### Наврўз байрами

муносабати билан самимий муборакбод этади. Ўзини ўзбекистонимизнинг жаҳон майдонига нуфузи ва мафҳеи тобора мустаҳкамлашни, халқимиз турмушининг тобора юксалиши йўлидаги эзгу ишларида улакан зафарлар тилайди.

## Qishloq hayoti

МУАССИСЛАР:  
Ўзбекистон Республикаси Вазирлар Маҳкамаси комплекси таркибидagi ҳамда бошқа дахлдор вазирлик ва идоралар.

Бош муҳаррир: Чори ЛАТИПОВ

### Таҳрир ҳайъати:

Шавкат ҲАМРОЕВ, Азиз ВОИТОВ,  
Муҳаммаджон ТОШБОЛТАЕВ,  
Ақтам ҲАЙТОВ, Маҳмуд ТОИР,  
Ҳабиб ТЕМИРОВ (бош муҳаррир ўринбосари),  
Раимкул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Ҳажми 2 босма табоқ, офсет усулида босилди, қоғоз бичими А-2. НАШР ИНДЕКСИ – 144. Бюджетга Г-340. 2618 нусхада чоп этилди.

Газета "Шарқ" нашриёт-матбаа акциядорлик компанияси босмахонасида босилди. Манзили: "Буюк Турон" кўчаси, 41-уй. 1 2 3 4 5 6

Манзилимиз: 100000, Тошкент, Матбуотчилар кўчаси, 32-уй.  
Телефонлар: Қабулхона – (0-371) 236-26-50, 233-09-93,  
95-080-43-70, 99-050-69-45.  
Реклама ва эълонлар – (0-371) 236-26-50, (0-371) 233-28-04.  
e-mail: infoqishloqhayoti@mail.ru Баҳоси келишилган нарҳда.



Босишга топшириш вақти: 21.00  
Босишга топширилди: 18.00